

Հ Ա Շ Վ Ե Տ Վ ՈՒ Թ Յ ՈՒ Ն  
ԳՈՐԾՈՒՂՄԱՆ ԱՐԴՅՈՒՆՔՆԵՐԻ ՄԱՍԻՆ

**1. Անունը, ազգանունը.**

Արսեն Թորոսյան

Լենա Նանուշյան

Ալինա Նիկողոսյան

**2. Զբաղեցրած պաշտոնը.**

ՀՀ առողջապահության նախարար

ՀՀ առողջապահության նախարարի տեղակալ

ՀՀ առողջապահության նախարարի մամուլի քարտուղար

**3. Գործուղման վայրը և ժամկետները.**

Շվեյցարիայի Համադաշնություն (Ժնև), 2019 թվական, մայիսի 19-22-ը

**4. Հրավիրող կողմը.**

Առողջապահության համաշխարհային կազմակերպություն

**5. Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը).**

Մասնակցություն Առողջապահության համաշխարհային 72-րդ վեհաժողովին:

Վեհաժողովի գլխավոր քննարկումը կրում էր «Համընդհանուր առողջապահական ծածկույթ. ոչ ոք չպետք է անտեսվի» խորագիրը:

Հիմնական նպատակն ուղղված էր ընդգծելու համընդհանուր առողջապահական ծածկույթի կարևորությունը:

## **6. Քննարկված թեմաները.**

Միջոցառմանը հրավիրված էին մասնակցելու ԱՀԿ անդամ-պետությունների բարձրաստիճան պաշտոնյաներ, նախարարներ, դեսպաններ, միջազգային կառույցների և հասարակական կազմակերպությունների ներկայացուցիչներ:

Վեհաժողովին քննարկվեցին նաև ԱՀԿ 2020-2021թթ. ֆինանսական բյուջեն, հանրային առողջապահությանը, միջազգային առողջապահական կանոնակարգերին, կայուն զարգացման ծրագրերի իրականացմանը, համընդհանուր առողջապահական ծածկույթին, դեղերին և պատվաստանյութերին, տուրբերկուլոզի վերացմանը, ոչ վարակիչ հիվանդությունների վերահսկմանն ու կանխարգելմանը, միգրանտների առողջության խթանմանը, մոր և մանկան առողջության պահպանմանն ուղղված և մի շարք այլ կարևոր համաշխարհային հնչեղություն ունեցող հարցեր:

ԱՀԿ եվրոպական տարածաշրջանի անդամ-պետությունների բարձրաստիճան ներկայացուցիչները և տեխնիկական փորձագետները ներկայացրեցին իրենց փորձը վերոնշյալ հարցերի ուղղությամբ: Քննարկվեցին նման հաջող փորձերի իրականացման հնարավորություններն այլ երկրներում:

## **7. Հանդիպումները, ելույթները, բարձրացված կամ քննարկված հարցերը**

Համընդհանուր առողջապահական ծածկույթի ապահովման և, հատկապես, առողջապահական պետական բյուջեի էական աճի ու առողջության ապահովագրության ներդրման Հայաստանի կողմից իրականացվող քայլերի վերաբերյալ զեկույցով հանդես եկավ ՀՀ առողջապահության նախարար Արսեն Թորոսյանը:

Ներկայացվեցին նշված ոլորտում Հայաստանի կողմից իրականացված աշխատանքները, հաջողություններն ու հետագա քայլերը: Շեշտադրվեց փոխօգնության միջոցով համագործակցության իրականացման կարևորությունը:

Համաժողովին ներկայացվեցին զարգացող երկրների փորձն ու հեռանկարները համընդհանուր առողջապահական ծածկույթին հասնելու ուղղությամբ:

Նախարարը և պատվիրակության անդամները հանդիպումներ ունեցան Շվեյցարիայի համադաշնության ներքին գործերի կանցլերի, Բելառուսի, Լիտվայի, Լյուքսեմբուրգի, Կատարի, Ղազախստանի, Մոնակոյի, Մոնտենեգրոյի,

Ռուսաստանի, Սան-Մարինոյի, Տաջիկստանի, Ուզբեկստանի, Ուկրաինայի առողջապահության նախարարների հետ: Հանդիպում կայացավ նաև լորդ Արա Դարզիի հետ (Մեծ Բրիտանիա), ով Հայաստանին աջակցում է առողջապահական բարեփոխումների ընթացքում:

Քննարկվեցին երկկողմ համագործակցության հնարավոր ուղղությունները, մասնավորապես առողջապահական համընդհանուր ծածկույթին հասնելու, առողջության առաջնային պահպանման, վարակիչ ու ոչ վարակիչ հիվանդությունների, միմյանց պացիենտների բուժման ոլորտում համագործակցության հնարավորությունը: Զրույցներում հատուկ ընդգծվեց ԱՀԿ տարածաշրջանային տնօրենի պաշտոնում Հայաստանի կողմից առաջադրված թեկնածու Թաթուլ Հակոբյանին ԱՀԿ անդամ երկրների կողմից աջակցելու հնարավորության հարցը: Երկրներին հանգամանալից ներկայացվեցին ՀՀ ներկայացուցչի նախընտրական ծրագրերը:

Պատվիրակությունը մասնակցեց նաև ԱՀԿ եվրոպական տարածաշրջանի տնօրենի ընտրության հետ կապված առանձնացված քննարկումներին՝ երկրների մասնակցությամբ, որտեղ ներկայացվել էր Թաթուլ Հակոբյանի թեկնածությունը, և վերջինս ներկայացրել էր իր ծրագրերը, պատասխանելով երկրների հարցերին:

Մասնակցություններ եղան ԳԱՎԻ-ի, ՄԱԿ-ի ՁԻԱՀ-ի միացյալ ծրագրերի միջոցառումներին, որտեղ ՀՀ առողջապահության նախարարը ելույթ ունեցավ Հայաստանում տիրող իրավիճակի, ձեռքբերումների և խնդիրների մասին:

Նախարարը ՄԱԿ կայուն զարգացման նպատակների վերաբերյալ հարցազրույց է տվել ամերիկյան CNBC հեռուստաալիքին:

## **8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը.**

Համաժողովը հնարավորություն ընձեռեց ծանոթանալու ԱՀԿ անդամ-պետությունների առաջավոր փորձին և ներկայիս աշխատանքին, ինչպես նաև ուրվագծելու հետագա համատեղ գործողությունները՝ միջազգային փորձագետների կողմից առաջարկվող ուղղություններով:

Տարբեր երկրների առողջապահության ոլորտի ներկայացուցիչների հետ քննարկվեցին հնարավոր համագործակցության ուղղություններն ու հեռանկարները, ԱՀԿ գլխավոր տնօրենի ընտրության հետ կապված հարցեր:

**9. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.**

Առաջարկվեց պայմանավորված ուղղություններով ու կոնկրետ գործողություններով համատեղել երկրների ջանքերը և ակտիվացնել փոխգործակցությունը ոչ վարակիչ հիվանդությունների վերահսկման ու կանխարգելման ուղղությամբ: Պատվիրակության ջանքերի շնորհիվ լավագույնս ներկայացվեց ՀՀ ներկայացուցչի թեկնածությունը՝ ԱՀԿ տարածաշրջանային տնօրենի պաշտոնին:

**10. Ստորագրությունը, ամսաթիվը:**

**X**  
\_\_\_\_\_

2019թ. մայիսի 24